

三松堂集

三松堂集卷四

始甲辰夏
至丙午秋

吳縣潘奕雋榕皋

西苑直廬同方藝蘭葉桂樵費西塘對雨小飲
連朝甘澤灑塵寰南陌東郊喜溢顏流水聲中封事下
綠槐影裏瑣窗閒不妨小住浮銀簪會有新篇刻玉環
策騎衝泥歸興嬾愛看溼翠擁西山

午窗口占

朝退端宜閉戶居打門只怕有停車香浮寶鴨閒臨帖
花倚軍持伴校書觀定空齋波渺渺夢回方枕蝶蘊蘊
仙山靈藥憑人採結習難將五葢除

種竹

修篁秉峻節結根依碧潯蕭蕭不受暑肅肅含遠音移
來植高齋趁此三日霖莫言數竿少已覺陰森沉直道
固余仰虛中尤我箴閒攜書傍讀或引杯孤斟午榻清
風搖夜軒涼露侵恍疑湘江雨冷然披素襟又如坐故
園三徑吾廬深誰知塵土客有此蕭疎心

藍菊

藍菊亦菊族南中秋乃花京師開獨早六月揚其葩東
華散直餘種之向客誇其香淡而醇其色幽且嘉價賤
品自貴愛茲疎影斜朝來南西門載之或盈車自云入

城去賣與富貴家富貴重繁華寒儉恐汝瑕而我有數
本於分則已奢雖非東籬英絕似蒼蒼葭臨風待招客
折鐺煎春茶

暑甚得雨詩以志喜

驟雨傾盆瀉太虛涼風掠鬢髮稀疏鈎簾喜對新移竹
閉戶閒溫舊讀書綈几香消煙裊裊蒲團蝶化夢蘧蘧
早朝不怕泥無路只快驕陽頃刻除

喜涼

長日暑方盛今朝涼襲裾物情紛愛惡天意默乘除閉
戶思高枕鄉心到故廬誰知官舍裏清絕似僧居

用拙堂感懷

白髮門生感舊恩，虛堂看弈悄無言。古槐一院清陰滿，

淡墨兩行遺澤存。

堂中楹帖文定公手書

差喜同官得令子，那堪

作誄到文孫。

北溟抱西河之痛是日唁之

山邱華屋古同慨，策馬羊

曇餘涕痕。

退直

三伏迎涼候，東華退直時。閉門無客轍，入戶有花枝。野
性從時愠，天懷與靜宜。消愁閒命酒，遣興細哦詩。青瑣
添新侶，華胥覓故知。無爲老氏貴，素位孔門規。稚子初
成室，同年半擁麾。雲泥甘契闊，聰慧感化離。寄語安貧

病無心羨保釐同人慣相笑笑我信成癡

三藐庵題壁

是日錢太傅蔡葛山先生予告歸閩

青郊餞抽簪佛院偶停騎同寮六七人禪房聊靜寄入

門喜清涼拂壁看題識其人皆偉人一泉下寐

壁有嘉興

錢香樹太傅諸城劉延清相國詩書

問寺創何年山僧失題記紛紛往來

者攘攘馳名利不知更幾何榮華與憔悴遭遇縱殊途
消滅無二致願言依空門打鐘復埽地一鉢一蒲團庶
以遣塵累

彰儀門馬上作

雲成霖雨還歸岫鳥戀稻梁猶倦飛爲問客留緣底事

他年贏得白頭歸

孤松

孤松挺奇節偃蹇深谿傍
雨露不及施樵牧時相戕縱
抱楨幹材無由至廟廊
裊裊凌霄花結根依長楊垂條
善攀附新枝日披猖
修幹攢叢葩蔚蔚揚其光
此榮彼乃悴物理不可詳
賦命旣懸殊由來豈意量
凌霄意自得孤松不改常
非有堅貞心何以歷冰霜

修竹

修竹產淇園森森碧於玉
謂此似君子種之令不俗
一叢種廣庭一叢種牆曲
廣庭地疎豁瀟瀟風露足
雨葉

出檐清風梢拂雲綠一幹日以長一幹日相續牆曲頗
清幽所苦地局促有枝抽不揚有根行處觸豈無干霄
心何由展遐躅亦抱作箭材苦節誰復錄託地旣已殊
苑枯判榮辱回看廣庭前千夫擁大燾

八月十五日對月寄內

紅塵汨汨又經年回首江南路幾千記取金波三五夜

燕吳一十八回圓

余自甲辰三月離家迄今一十八月

張壽雪閣學見示紀

恩詩次韻

一家四世入綸扉

先生祖相國文端公父相國文和公兄晴嵐鏡堂兩先生相繼爲閣學姪

魯堂戶曹小令舍人先後入直典誥異數如公遇更稀先生不由科目出

謂非他臣可比瀛海舊傳圖譜系御賜文和公詩

故破格擢授鳳池新喜沐

一時傳為佳話
恩暉人來西掖霜凝柏先生自副都御史擢任閣學日上彤庭花咏

薇退食瑤箋投白雪東華何幸接餘微

賜柑子福橘恭紀

旭景曠曠麗 紫宸殊榮

異命自天申承

恩未屆傳柑節拜 賜深慚懷橘人手捧圓勻仙品貴

味含沆瀣露華新 金鑾佳話全家慶曝背他時憶此

辰

賜哈密瓜恭紀

報國書生但握鉛殊方異品沐

恩偏水精寒沁懷常懍土德中含味最鮮巾綌繡書徵
故事鎮心當暑記童年東華退食慚無補敢羨便便白
晝眠

恭和

御製福康安奏報生擒莊大田詩以誌喜元韻

甘泉捷信報連朝搗北攻心

睿算遙已遣范韓膺閫寄可容猩鸛逞山跳搜追不赦

依巢燕撫卹還招在泮鴟寄語脅從齊革面恢恢

天網正明昭

皆山族叔帶月荷鋤圖

叔任薊州知州罷官後奏留直隸營田

戴星傳治績帶月仰襟期脫綬甯嫌早爲農今未遲惟
應歌

帝力只是諷陶詩此日江南去香杭正可炊

負郭竟何有歸耕計渺然寒松黃海夢

叔家徽州

晴雪薊門

煙行止公無意升沉我信天何當同負耒如法種春田

大校厰馬上作

搖鞭遵大麓緩轡復循溪野迴山容豁泉平地勢低天

桃明曲隴老樹苗新萸未覺征鞍瘁微吟信馬蹄

大雪與王翠庭兵曹夜話

吳雲回首夢模糊兩載稽留計太迂誰念拂廬寒食夜
四山風雪一燈孤

母難日由白雲寺至臺麓

目極雲天闊心驚歲月奔楊生終厄閨蓬轉又離根漸
識無明旨難酬罔極恩慈航知不遠指點認風旛

乾隆五十一年五月奉

命典試黔中出都門作

征輪三月旋山右

余於二月十八日扈
五臺三月二十六日抵都

蹕行旆今朝

指貴陽橐筆乍欣依 豹尾拜

綸轉愧首鴈行

內閣考試差者十四人
余首奉黔中之命

青天白日胸懷

淨雲壑風泉道路長此去巖阿經萬疊度材可有木千

章

度蘆溝橋

又度蘆溝去咨諏詠載馳到心偏往事脫手得新詩賦

命雖多蹇承

恩未後時祇應橋下水憐我鬢成絲

慈航寺小憩示洞然上人

遙村平野樹低微旛影鐘聲靜掩扉爲問白牛車近遠

頓令心地欲皈依

蒲團小憩意云何泡影前塵轉眼過留得籠紗遺墨在

但教來客費摩挲

壁間有方問亭宮保周燮堂尙書題句

通衢湧出散花場淨眼觀空意儘長但得雲心常自在未妨迎送一生忙

過唐河

水漲平橋斷停輿此涉波南風吹柳岸四牡渡唐河暑

斂蟬聲歇雲沉雨意多中山舊遊地一塔指巍峩

定州古中

山地余於三月扈輦過此

定州

城臨滹水古鮮虞戰伐紛紛失霸圖
園號眾春尋勝跡齋名雪浪仿前模
眾春園韓魏公出守時建雪浪齋本朝康熙年建以置東坡雪浪石
御書藹漢鸞凰舞華塔淩風鳥雀呼
千載循良傳政績幾人遺愛繼韓蘇

清風店口號

在定州北明月店在州之南

夾路楊枝踈地垂幽花小草漫離披
此間風月今猶昔難得閒身似牧之

陋室

侵階草色上簾青賓客當年此著銘
人物千秋誰繼起至今珍重比元亭

正定寓館偶賦

紗幬笛簾境幽清
遶屋花枝照眼明
小住那堪日卓午
長途況值伏三庚
風初過處香微度
雨未成時涼已生
好是虛堂無客到
夢回簾影篆煙橫

渡滹沱河

城頭初日上擊楫興何長
水退濤猶壯風微草自香
蓮峯看的歷豆粥憶蒼黃
今日征途樂皇華況有光

趙州

煙嶺藏雲樹樂城接趙州
驛亭無復館沙港不成流
地橫衣冠簡年豐笑語稠
此邦非瘠土水利若爲修

沿隄河形

三才集卷一
尚在率斷續於淺得疏濬
可備旱澇惜無講求之者

金山寺小憩 在趙州南二十里

長路晨曦赫高亭大道遮閒參獅子座來喫趙州茶砌

繞涓涓水盆開艷艷花峨嵋談往事笑我尙思家

時與韶亭

談蔣虎臣往事

千秋亭光武祠 在柏鄉縣北十五里

王母籌行大誥起手持威斗周公死赤眉烏合取滅亡
可憐只有劉盆子推心置腹說蕭王天戈一掣斬王郎
安知非僕豈戲語鄙南卽位登壇場固知真人天所助
睢陽楚黎柱竊據斬蛇斬石事若符行人尙記龍飛處

千秋亭傍一大石
云光武夜行所斬
昨朝我渡滹沱河
今來重向祠前過
千秋亭畔殘碑倒
五城陌上浮雲多
斜垣荒座塵漠漠
鳥影蟬聲餘古木
君容肅穆臣像嚴
想見君臣契灑落
時去英雄事不留
蕪萋麥飯思悠悠
惟餘千古青山色
長對淒涼槐水流

圓津庵用壁間方宜田宮保韻贈璨一上人

庵在

內邱縣南十八里四楊橋

暑行何地得栖遲
路轉香林偶憩時
摩詰中年惟好道
已公茅屋可題詩
經繙貝葉參無諍

亭懸王孟津隸書無諍二字額

座

湧身雲仰大慈

正殿供大士像

最是風流前輩遠
循廊不覺日

頻移

先生元唱並先後和
作俱刻石兩廊殆遍

庵中散步徧觀壁間題詠用蕉林相國韻留別

長老

小憩祇林日似年清冷玉韻曲池邊古人寂寞猶餘跡

壁間宋牧仲湯西崖諸老留題俱在名士蕭疎本愛禪翠竹紅魚留半偈

山光雲影靜諸天恩恩得句非耽詠付與參寥結後緣

順德有懷洪素人太守時洪已下世

孤城煙雨裏下馬拂征衣訪舊來余晚爲官似爾稀疎

紅花媚眼溼翠竹搖扉兀坐嗟身世悠然思息機

早行偶成

今日渾無暑蕭然試袷衣樹深蟬響咽土潤豆苗肥
既雨雲猶密微風塵不飛僕夫殊可念小住汗頻揮

邯鄲道中寄畏堂

紛紜塵世足悲歡大覺難時夢亦難一語寄君君莫笑
使臣今夜宿邯鄲

呂翁祠

何緣撒手出紅塵汨汨悠悠四十春我若遇翁無用枕
黃粱早悟夢中身

盧生卧像用壁間魏環溪先生韻

千秋大夢幾人醒說夢須知夢未成不是盧生緣分好

本來仙骨自天生

誰能一夢得常醒
半晌甜甜亦偶成
却笑世間好事者
竟將高枕塑盧生

磁州道中

千里原田遍綠楊
眼明忽喜到江鄉
平波碧毯鋪菱葉

刺水青鍼抽稻秧
岸約紅蓮纔破萼
煙衝白鷺自分行

磁州水利誰經始
那得規爲盡一方

順德廣平正定一帶平原沃壤若能

講求水利蓄洩得宜當無旱澇之患今觀磁州水田彷彿江南風景益信此法之可行也惜未有推廣之者

湯陰謁岳忠武祠

西湖墓木仰精忠
故里重瞻廟貌崇
當日兩宮終朔漠

至今三字泣英雄
偷安一代無長計
大義全家秉赤衷
痛飲黃龍虛素志
松庭遺恨起悲風

淇水

淇水碧於玉
潺潺抱驛樓
沙明思濯足
渚淺可維舟
澳竹依然茂
籊竿誰與投
石梁凝望處
彷彿昔人遊

喜雨

我昨過彰德
比戶憂蘊隆
今晨來衛輝
寒帷見雲峯
下馬點飄灑
入門響琤琮
霖霖漸優渥
滂沛彌醇醲
老翁向我言
悲哉力田農
連年大河南
不雨歲浹凶
今年春三月
小雨霑溟濛
二麥幸已收
入夏仍燭燭
此雨如雨

粟庶幾年可豐此地如此雨三年未曾逢我聞心爲慰
語以慰老翁自從前年來偏災軫

宸衷蠲租復散賑補救彌天工聯翩

詔書下惻怛

恩意重邇者

飭山右兼并懲豪雄略分而言情委曲開愚蒙我

皇豈偏愛至愛本至公諄諄膾黃 諭字字皆由中吾

聞香山言先天天意從民和斯福降感召皆

皇躬從此歲歲收戶戶期千鍾昨聞此邦吏祈禳禮更
崇固知宣猷心一體痼癢同小儒胞與願亦快涼心留

北窗蕲簟滑短榻吟清風入夜勢轉盛宵深意逾濃佳
聲悅心耳恍聽笙簫鏞明朝登隴上簑笠舞南東

裴晉公墓 在鄭州南

碑字分明墓木陰雨槐疎冷有蟬吟千秋功業原時命
王荆公平淮碑題名詩桓桓晉公忠且壯時命適與功名偕 一代君臣自古今嶽廟

有題思將佐午橋無館認園林我來展拜頻回首想見
當時一點心 公自題小像云爾貌不揚爾神不長胡爲乎將胡爲乎相靈臺一點丹青莫狀

新鄭道中

具茨嵐影淨朝瞰牧馬襄城事莫論古岸尙流新洧水
斷崖難訪舊純門岡廻淺溜斜侵草雨霽歸雲亂擁邨

三才集
太息風流子美遠千秋遺愛幾人存

楊朴墓

殘碑題識認詩人細草芊綿歷幾春暑雨乍過雲乍捲

煙莎彷彿是吟身

楊有莎衣詩
爲時傳誦

昔人有四時白紵詞亦有作一首者體規樂府

意近閒情旅館溽暑戲效其意易以近體題

曰夏白紵詞聊以寄鄉心遣客悶云爾

梧影蕭森竹影橫水晶簾卷篆煙輕雲窗那識人間暑
只聽芭蕉送雨聲

肌膚凝雪珮飛霞移得芳蘭玉鮓誇一種幽香渾不辨

素心人對素心花

雲碧紗幮薄似無奇葩怪石儘堪娛重簾忽展西方界
一朶香開蜜鉢盂

蜜鉢盂白荷花中上品也

曲几蕭然麈尾閒門無客至不須關絳桃捧硯清娛扇
自寫前溪過雨山

生機洋溢曉窗儲引得清泉碧一渠却道小庭涼意少
更添文藻護紅魚

鳴蜩暑氣未全清已有先秋蟋蟀鳴笛簟嫩涼人夢醒
海棠花底兩三聲

乾隆乙未丙午河南旱歉流亡病死者甚多屢

奉

恩旨加賑兼製

御詩訓諭大吏實力奉行並諭小民勿生怨咨以冀感
召天和

恩施浩蕩淪浹寰宇今歲已豐收而元氣尙未全復路
經襄城葉縣之間目之所觸有愴於中詩以志
感亦採風之遺意也

鄭俠圖呈乙夜披

恩深惻怛

詔兼詩可知

帝力能回數未信天心絕少慈後死無衣哀病婦餘生
乞食憫孤兒寄言保赤誠求者何以撫綏答

主知

長沮桀溺耦耕處

在襄城縣南

偕隱傳高士餘蹤古岸陰不妨長避世難得是同心溪
水流年月墟煙變古今夕陽空佇立飛鳥有遺音

葉縣雨夜

涼風吹密雨蕭颯到黃昏虛館荒疑寺孤城冷似村閑
農還望歲憂潦且停轅兀坐遺身世幽蟲吟樹根

博望驛七夕用義山韻

誰道團圓是別離
漫勞塵世艷佳期
雲鬢玉臂自今夜
纖月微風又一時
青鳥有情來故故
星槎流影去遲遲
無愁兒女渾多事
那得閒情與巧絲

諸葛廬

在南陽城外卧龍岡

消水東流繞翠岡
躬耕遺跡認南陽

消水俗名白河

草廬終古

煙霞冷雲卧當年
歲月長未許時人窺
抱負直同莘野契
行藏千秋論定推王佐
管樂區區詎可方

南陽太守萬成齋招飲賦贈

千里名城楚上游
壺觴談笑擅風流
已煩快雨收殘暑
更遣清歌蕩旅愁
南國甘棠齊舊化
東華紅藥憶前儔

寇君名姓

書屏久知爲蒼生合少留

君卓薦奉
旨留任遇河南

道員缺
出補用

南陽道中和鮑雅堂道院壁間韻

雨止當乘傳泥行不礙車川深波浩渺樹密蔭交加高
壤偏宜稷中田半有瓜連畦收穀子遍地藝胡麻似豆
青垂棗如杯紫絡茄煙莎深淺色渚萼白紅花灑落君
臣契飛騰事業賒山連宛鄧迴水接漢江斜士性醇而
靜民風清且嘉前村可卜築也擬問東家

新野縣道院夜坐贈來甯鍊師

門臨官路遠塵氛靜几名香手自焚高樹晚含嵩少雨

疎簾涼入楚江雲

新野爲河南南境與漢江僅隔一宿

一聲磬醒三更夢

數卷經披太上文那得清閒長此住松間猿鶴與同羣

渡漢

昨宿樊城館今來漢水邊一江城市阻

土人呼漢亦曰江

隔岸

雨晴懸粉堞嚴城壯高檣大舸聯北帆浮蜀客南柁捩

吳船地勝思遺跡人來異昔年明朝登峴首墮淚憶前

賢

荊門州對月

銀蟾不解恨故向客窗圓穆穆辭京邑團團又楚天閨

心郢城樹鄉夢石湖煙四牡逶遲去牂牁何處邊

荊州懷古

秋入江城暑氣微
參差屋瓦帶斜暉
渚宮煙冷蘋花老
沙市風清燕子飛
南渡功名人事異
三分割據霸圖非
曲江樓上憑闌久
一片濤聲上釣磯

落帽臺和陳研齋觀察韻

江天秋霽不飛埃
按節來登落帽臺
渡口官船教小住
是日當渡江
林間驛騎莫相催
名流作達留遺韻
勝跡重新仗逸才
最喜亭邊吟坐久
吏人鷗鳥兩無猜

渡江

秋霽片帆明
風輕浪自平
草荒宋玉宅
雲斷夫人城
遠

岸戍無火長天艣有聲時清川路穩不用問前程

公安曉發

孫黃驛外孫黃河西風放棹揚素波荒村薜荔嘯山鬼
古岸斑竹愁湘娥湖田隔陂鷗似雪秋宇破曉雲成羅
驕陽未退晨暑劇微香露氣吹殘荷

澧州偶作

襖被蕭然楚水濱投鞭聊欲息征塵不妨蝸舍纔容膝
肯使猪肝更累人桑下久諳身是寄蕉邊誰信夢非真
芳洲岑寂騷人遠臭味芳蘭未許親

澧州客館月夜獨坐

奉使道沅州取途出澧浦西風水生波一葉落自舞微
聞父老言河邊未渡虎采風哀邊氓於事亦何補旅館
息塵勞涼蟾掛玉宇窗明宜屏燈院冷似過雨被蘿若
有人掄客相與語高詠山鬼篇吾意正懷古

三松堂集卷五

始丙午秋
至己酉冬

吳縣潘奕雋榕皋

武陵書懷四十韻追和劉賓客

并序

使出常德讀府志載賓客詩愛其秀雅古渾中間
重押原韻又敦惇旂幘古人皆屬通字樽古書止
作尊雖有二義亦止一字因改用四韻質諸達者
至語意鄙拙非敢效顰古人亦各言其志云爾

五溪開上郡三楚列雄藩劇泊西憑灋清江左引沅螺
環千嶂合箭急百川奔披霧漳江白騰雲青草昏碧桃
尋洞隱芳芷弔纍冤溪引漁郎棹洲吟屈子魂湘波愁

帝子渚草怨王孫巖擷秋花淡塍穿澗水喧野橋魚有
市官閣竹爲軒積雨楓人長迎風燕子翻煙林禽韻澁
霽港灩紋暄甜憶襄瓜好瓜以荊州襄陽者爲最過江卽不可得香思秋
橘繁鍊丹仙井冽歸老石橋存澤國頻憂潦

天書疊沛 恩痕留河浹市歌溢太平村但覺湖天淨
甯愁江漲渾巴船倚蠻女吳客效夷言研韻慚歌雪懷
芳懷佩蓀髻齡虛譽竊壯節古風敦謬厠春官宴榮辭
東鄙樊鳳池名濫忝雲夢氣真吞直退 文淵閣班趨

景運門彙征時際泰賦命卦之屯歲閏楊偏厄河填
鵲自髡斷葱悲陸續折阪叱王尊堊室育居豎禪衣佩

解璠呼童惟晒藥辭客并無聞後輩俱分袂同年半擁
旛江邊岸白幘天上憶丹垣輟耒重吟藥盛筐虛薦藥
屈伸委運轉雨露荷恩蕃顓俊分黔省乘輜駕楚轅
皇靈徵濯濯

聖德浹元元分野躋占軫西南慶協坤濤聲凌渤澥山
勢學崑崙未陟磨圍頂先探枉渚源盈虧瞻海月變化
指溟鯤六一阡虛表蘭成賦擬園思歸聊作引樂志不
虛論他日南窗下何心羨左轡

贈桃源施明府荃漁

灝

晝畫谿山訟閣前仙才分郡與仙緣人來子驥真迷路

詩愛東坡別有箋流水聲中停露輞綠蘿陰裏靜蒲鞭
政成不獨邦人詠五馬 彤廷正錫賢

登望江樓

在桃源縣

憑虛傑閣俯江濤落日停驂試一臨楚澤風煙最蕭瑟
江天雲氣忽晴陰鄉心敢說田園好客鬢真愁歲月侵
欲向花源訪舊隱碧桃秋老洞門深

桃源洞

山城南過白馬渡言訪晉代之桃源桃源有路不得到
但見清泉百折林間翻巖蘿澗芷香可擷蒼苔碧篠掩
洞門不知古人來此經幾載摩挲石刻空留痕老僧瞑

坐驚客起迎謁却立都忘言我來坐石面絕壑暫照霜
鬢臨潺湲塵氛解廓耳目曠恍疑身入神仙村鳥啼日
戾洞門寂登車回首空冥煩

又二首

石磴縈紆路不迷清溪曲折葶蘿低我來坐久空何有
無數幽篁一鳥啼

禪房花木淨無塵流水依然試問津

聖世知無避世者空山喜有誦絃人

僧舍書堂皆係村
中學子誦習處

伏波祠感賦

款段何因得自由坐看飛鳥墮溪流求羸徒苦憑誰取

漫向岡頭憶少游

辰州道中

辰龍關外白雲低，萬壑千巖路欲迷。
閣道風清石瀨響，戍樓煙冥子規啼。
磴迴積翠當人面，徑豁遙青簇馬蹄。
記取驛程圖畫裏，界亭三宿到船溪。

自界亭至船溪計
三站凡一百八十八

長松偃蓋竹連娟，屋負青山簞覆船。
蠻女簪花還赤脚，山家收稻更燒田。
龍標城迴懸秋月，大酉山高鎖暮煙。
多謝殷勤迎送客，潺潺一路有溪泉。

蘭花

沅州驛館深山中
秋蘭葉綠花心紅
恍疑空谷寄幽操
當階澹蕩吹香風
三年辭家住京國
春葩秋卉多異同
唐花蘭蕙厥亦好
人力勉強非天功
竭來豫楚覽芳艷
浮花浪蕊徒成叢
紛紛山紅吐夏槿
窈窕碧攢秋楓
豈知此地得清賞
嗅香紉佩情何窮
所嗟託根老蠻雨
開落枉自淪蒿蓬
不采自貞君子守
無言深契幽人衷
客蹤泥爪隨飛鴻
紗幘睡醒視濛濛
忽憶湘簾對清絕
夢隨秋雁到江東

沅州十首

南國秋猶熱
山深曉漸涼
籃輿忽軒輕
橘樹半青黃
茅

三松堂集

卷五

四

屋團雲暗松棚滴露香西風吹短髮覓句爲誰忙
問訊皇華驛盤紆路正遙灘聲環縣郭嵐影集溪橋慣
客心無著探奇興未消白鷗誰汝適翹渚影飄蕭

徑轉林初豁人家似灤西招呼無俗客饁糲有山妻細
雨籬花落微風檐篠低幽居真可羨黍熟午雞啼

暫憩層坡上虛窗面壁開乞書揮吏去獻茗喜僧來澗
影清於鑑山光翠作堆地荒碑誌少訪古重徘徊

渺渺魚書隔迢迢鳥道斜江山連百濮風俗雜三巴徑
仄蟲懸樹崖傾蝶聚花秋風何處起蕭瑟入蒹葭

旅館更弦朔嚴程數驛亭礪蘅侵水碧嶺蕩夏天青曲

折穿山市喧闐闐使星何當謝塵事小築倚雲屏
蠟屐思佳日天平歲屢過掖垣淹玉琯松徑冷煙蘿山
似江南好人今白髮多馳驅當自策筋力竟如何
自過桃源境終朝行翠微雲簾垂磴戶石筍矗巖扉敲
岸麻花瘦依岡桐葉肥僕夫愁馬乏小住倚危磯

川原疲陟降試摘野花香瀨比嚴陵曲岡如劒閣長荒
村無虎跡絕嶺有雲房忽憶臺懷雪山風透頂涼
灘水斜依戍文洲曲抱村怪禽啼密箐荒蔓上頽垣邊
郡儒冠少山城小吏尊年登歡野叟擊壤傍柴門

思州道中寄懷嵩撫棠閣學

簪毫三月賦西征記上龍關第一程半嶺冰堅人並騎

四山風緊雪初晴寺遊印石懷鵲侶

印石山房在長城嶺半山驛渡

梅溪少雁聲

梅溪思州驛名

最是行廬吟句好五臺山下過清

明

玉屏夜坐用何信陽平溪道中韻

且蘭秋漸老虛館氣淒清月上疎林白雲沉遠岫平勝
遊開倦眼旅夢遶孤城砌冷蟲吟急愁聽入夜聲

平溪驛早發

殘月依巖墮征夫接浙行平心空世態更事悉人情雲
淡青蓮寺風清皂莢坪沙鷗如我識重與訂前盟

玉屏山谷中見垂柳二株臨風綽約似有搖落
之感詩以惜之

幽崖峭削泉琤琮兩株垂柳搖秋風徘徊繞翫不忍去
攀條嗟嘆情何窮平溪

玉屏驛名

窈窈攢深谷谷無嘉樹惟

修竹蠟樹無花桐樹肥紛紛凡卉堪樵牧可憐此柳生
此處弱質孤根誰復顧章臺攀折悼飄零漢南搖落傷
遲暮三眠三起遲姿妍斜照西風冷暮煙靈和有地難
移植思曼風流非昔年

梅溪驛

四山青似障一水碧於油樹色暗非雨灘聲涼是秋孤

三才集 卷三 二
村依絕巘小驛俯平疇後日黃平道探奇興最幽

鎮遠

絕徼天教設此關鎮陽江抱石屏山馬嘶雲彩江聲裏
雲彩江聲四字
城外石橋勝也詩在丹崖碧樹間萬里車書邊撤戍

四朝休養俗移蠻乘輶

恩許探奇境攬轡甯憂濟勝慳

鎮遠客館

翠巖瞰深江峭削插潏泱按轡度長橋虛館息塵鞅鼓
絕掩重門憑軒面幽敞是時秋已深六合氣清朗山腰
聳危樓沙尾弭孤槩瞻前嶂疑傾顧左渚復枉玉笛誰

家聲似有故園想窗明月已升夜靜難愈響黃昏獨擁
衾巖栖憶疇曩彷彿竹嶺眠梅花上虛幌清景不可摹
聊用紀幽賞

老竹嶺爲由浙入歙必由之路
有族人居此余曾兩宿其書齋

清溪縣

名山如異書變化無恒境飛轡過玉屏豁目亦疲頭徑
仄峽疑崩泉奔崖似騁想當開闢時造化縱之逞清波
激白石如雷轟雨猛颯颯挾風聲吹我衫袖冷登降神
自怡悚惕息爲屏轉側愈出奇佳處不暇領夙聞飛雲
巖天造更奇警幽尋興已馳計日抵施秉

贈清平令張衡

假寐信輿行秋高溪更清亂峯圍小驛斜日淡孤城酒
味如人意官聲稱縣名深宵簫鼓聞恰喜賽西成

信宿鎮遠

落日依闌坐西風掠鬢絲城臨苗子砦樹隱竹王祠邊
微秋生早危岑月上遲輶車何以滯邀我賦新詩
隔岸山如畫攀蘿上未能微風人卷幔細雨寺懸燈林
密邀雙鳥亭空坐一僧秋深歸騎速準擬踏峻嶒

鎮遠對雨和蕭碧畦

蕭瑟初秋氣蒼茫細雨天三家依嶺市一葉下灘船人
事嗤吹劒年華慨逝川何當催驛騎莫更滯吟鞭

秋夜

閉歲寒常早山城日易陰
灘聲疑雨驟蛩響覺秋深
林白耿斜月風清急暮砧
遙知懷遠者不異此時心

自鎮遠至偏橋驛三十二韻

暮宿鎮遠城晨指偏橋驛
偏橋何迢迢連山障初日
陽崖坎窞亨陰嶺蒙泉澤
其巔箐幽深其址藤盤詰
或戴土爲廬或有堂曰密
或土赭如丹或穴黝如漆
或文如執笏或武若佩珖
相離或如仇相比或如匹
矯矯騰龍虬蜿蜒伏蜥蜴
一徑鳥道紆千盤馬力竭
俛仰勞吾神推挽維以緯
道旁見有苗馴順猶果栗
溯昔苗病民蠻

觸爲首疾維狎宋蔡龍族姓亦非一歷漢泊元明宣慰
更反覆水西與播州安楊稱巨室奢香應龍輩恭順蒙
賜秩桀性終難馴悖常時肆獮惟聞外蛇鬪誰鑒前車
失我

皇憫其然蕩滌歸甯謚仁育期並生義正懲縱軼殲渠
脅從寬帖耳受紀律我來問遺蹤唯見高峯峩昔時干
與矛今時琴與瑟山椒茅屋中黍熟香有飮耕鑿長子
孫罔不歌

帝力涵濡

德化深膠庠事卷帙乃知昔蠢愚自取不足卹負固維

趣亡乘時實在德吾聞馭邊氓寬猛固有術王道遵蕩平

天威仰咫尺勛哉守土臣舊章宜謹率

桂

西風吹天香幽巖放老桂一枝插膽瓶解事喜臺隸籃輿坐臥看微馨襲襟袂忽憶虛堂秋古榦敲幽砌飽飯一事無碧甌賞新霽事往情故留神怡慮無滯間闕今三秋臨風結遙契

飛雲巖

我行萬山中看山興已倦側聞飛雲巖奇絕世希見一

往探幽情趁此征途便遠眺宵以深邇睇駭而眩是山
乃非山曰雲雲已變動靜理互根真幻吾何辨巖前洒
飛泉曲折白於練石闌坐移時謀耳冷然善老僧不知
詩詩意頗盍面導我步蒼苔登降恣淩眄微聞木樨香
無隱禪機現境超神自怡道契情非羨已忘于役疲更
結幽栖念攬轡遵前阿越嶺增餘戀

月潭寺小坐

絕壁開巖室探幽憩化城雲光浮樹影泉響雜風聲竹
外茶煙淡林間鳥語清昔賢遺韻在拂拭認題名

寺有明王

陽明先生碑記

捫蘿乘石磴，列席遠塵氛。古壁蟠蒼蘚，晴窗滃白雲。佛
香依坐散，僧梵隔溪聞。啜茗聊停騎，前邨日未曛。

贈月潭寺長老

幽栖不厭入山深，星鬢長愁鏡裏侵。雲洞自呈空色旨，
月潭如印妙明心。但餘俗諦非真諦，試聽潮音豈世音。
他日塵勞還見憶，夢中靈鷲碧千尋。

雨和蕭碧畦

自入黔南境，濃雲竟浹旬。晚風吹密雨，涼意滿蕭晨。簾
靜桂香細，巖深泥徑新。前山漸開霽，整轡且逡巡。

渡重安江

黃平州城秋可憐重安江水清而妍將崩未崩石壓浦
欲落不落雨滿天山向哀猿吟處立路從飛鳥去邊懸
京華回首七千里鵲鵲金波四上弦

山中桂花盛開詩以賞之

叢桂深山裏逢時亦吐芳花如前歲好風是故園香地
僻人猶過枝高露更涼小軒何日築對爾詠秋光

家有隙地

植桂數本擬構小軒顏曰天香館至今未就

龍里道中喜晴遂遊牟珠洞

俗名野豬洞深邃奇幻更勝飛雲

且蘭昨午愁霖潦羅甸今朝散積陰嘉樹有梧參碧落
懸泉如練界青岑煙開桂嶺幽香滿雲護僧房古洞深

清磬蒲團吾有願肯教塵見障初心

封門口占

典以興賢舉官因奉使尊旌旗迎夾路簫鼓掩重門地
遠人非乏才疎志益敦文章期報國長恐負
深恩

鎖院桂和張椿廷觀察

繼辛

秋光澄淨樹婆娑深鎖重門客未過簾外花開新露蕊
風前人憶舊雲阿不知仙幹何年植但覺天香此地多
斫得高枝憑月斧廣寒縹緲起笙歌

李樸亭中丞垂釣圖

鄴侯骨本仙高情凌物表錫券仰前徽珥貂欽國寶公
望兼公才經綸滿懷抱悠然濠濮間寄興滄洲杳策策
與堂堂一竿釣絲裊崇勳畫麒麟幽趣狎魚鳥澄波靜
鷺煙疏花媚霜曉精白契淵懷秋江碧瀾渺

鎮遠李總戎

杰龍

招飲賦贈

臨淮威望著江東

公自浙西陞任貴州

移鎮黔南

帝眷隆流水聲中鳴畫角翠嵐影裏試花驄竹頭木屑
陶公略說禮敦詩卻穀風明日掛帆雲樹遠當歌肯放
酒杯空

清浪灘道中

盛暑搖鞭去深秋放溜還青帘煙外舫紅樹畫中山灘
遠川容靜雲沉雨意慳花源真有路不用感衰孱

晨發武陵午後抵大龍驛

水宿程初盡山行路正長吏猶迎使節客自理吟囊板
屋雲嵐擁湖南驛館類以木爲壁松亭露葉香攢瑜紅照地不稱

冷官裝

襄陽懷古

臨水登山百感懷西風衰柳有烏栖大隄落日如前代
峴首新碑非昔題造物無私誰却老虛名何用但嫌低
習池春草年年長欲問遺墟迹總迷

漢江晚渡

漢川斜照散波紅，却上扁舟趁晚風。
鄖口人家煙樹裏，樊城燈火水聲中。
蒼茫客思依雲雁，荏苒年華付雪鴻。
檣燭兩行官舍冷，聽雞明日又怱怱。

裕州道中喜雪

北風吹面雨如絲，淅瀝旋看密雪隨。
潤入麥田凝玉圃，光搖柳陌茁瓊枝。
火城試策思簪筆，謂同省諸君雲屋聽窗
記撚髭。三白豐年喜呈瑞，衝寒何礙馬蹄遲。

襄城道中

雪晴寒轉劇，竟日朔風號。
得食烏喧畝，盤雲隼下皋。
橋

平汝水闊天遠具茨高卽次安容膝深杯引濁醪

滎澤渡河

曉日曛曛上逝波乘槎懷古客重過

四朝績奏澄清屢五老祥徵福慶多南厯成皋草沒壘
北尋鄴苑畝樓禾安瀾共仰

神謨遠不數元封瓠子歌

衛輝邸壁敬讀

聖諭恭賦二首

沃土頻年歎大無今來比戶慶多稔老翁鼓腹兒童唱
漸喜茅檐氣象蘇

忍教有歲嘆無田豫晉何堪苦樂偏

聖德如天

恩似海好勤耕作樂 堯年

彰德道中

昔年雄據地鼎足控孫劉銅雀今何處漳河水自流

新鄉縣遇吳蓉塘贊善卽送之貴州學政任

看花憶共曲江頭青鬢年華逝水流彈指舊遊經廿載
驚心此別要三秋羨君化普春風坐愧我衡操玉尺樓
富水遺珠知不少好憑象罔更冥搜

復

命後作家書因題其後

客裏更爲客曰歸未是歸囊添新使草篋整舊行衣過
衛榴初綻來燕雪又霏塵勞我已息報爾及鴻飛

文淵閣侍班恭紀

文華講罷

莅文淵秘閣森沉委佩聯竊喜班仙許近

聖仰瞻

行健頌同天

是日華殿步行至閣上自文

三霄

翰墨輝雲棟東

壁圖書繞

御煙麗正當時誇盛典

三才集
熙朝文治邁唐年

程易田鄭公釣臺卷

富登渡口懸厓石岌業淩波勢百尺師山垂釣非釣名
壁立清風緬遺蹟忠宣舊鎮皖公山大書突兀留孱顏
至今精氣兩不泯仰止齋邊時往還剗苔誰識闡幽意
鐵索金繩露奇字作記還聯翰墨緣哦詩重話滄桑事
斜日林巒遠靄生眼中漁弟與樵兄當時萬事歸變滅
但此雪繭留虛名殘篇剩墨嗟零落石田篁墩老巖壑
湖岸菰蘆風雨斜草堂竹樹雲煙絡橫幅摩挲興不孤
新圖舊刻好重摹人間俯仰成今古此畫此詩何可無

恩賜內府紗葛表裏各一

疊雪含風出上方 彤墀稽首荷

恩光五銖舊羨神仙闕獨速曾吟煙水鄉裁憶杼機寒
夜績披迎 殿閣午風涼趨承顧影歌無斃報稱捫心
愧寸長

陸星龍同年司鐸餘杭用東坡遊徑山詩韻留
別卽次原韻送之任

天清爽氣來西山潞河沙雁依晴川霜風吹領雙鬢短
士龍整棹秋言旋憶昔與君共鄉舉君才磊落齊雲淵
風輕並舫入牖裏月白對酌吳山巔分攜不憶歲幾改

但見開落鴛湖蓮卅年回首一夢耳修蛇赴壑真蜿蜒
我今待漏舊侶少下直塊坐同枯禪故園春雨蕪不治
草堂欲築囊無錢擁衾清夜默自料攤書白日昏仍眠
羨君得官去故里如魚縱壑天翔鳶鱣堂講肆璫自冷
絕勝塵世愁熬煎山城燒笋香稻熟坦腹甯慮嘲便便
送行不知分袂苦遠峯疊翠思悠然開尊準約先兌酒
松茅具檝期明年

觀弈

賭墅當年笑謝安逢場真作一枰觀乘除誰識機心巧
蠻觸何知世界寬人喜爭先誇國手我思收著算全盤

疎簾清簟松陰裏擬學山樵冷眼看

宋竹泉松陰獨坐圖

白袷青鞵興味幽人間富貴看雲浮
昨宵新雨山中過樹杪泉聲百道流

家世邢州澤最長慣將鐵石鍊心腸
知君未愛梅花賦只聽松風一味涼

雲深塵斷可忘機琪草瓊葩掩竹扉
何處香風來碧澗山童和露採芝歸

陳研齋觀察將往兩廣制府相國福公軍營同
年張東畬畫扇題詩贈行卽席次韻

三才集卷三
促席傳杯卷白波憑將畫筆譜驪歌天南到日仁風遠
相國安邊正止戈

爲袁月渚題松陰圖

白雲深處古松陰
謾謾濤聲淨客心
冥坐何人能見獨
祇應齧缺是知音

我逮懸車有廿年
每思筋力要歸田
泉清松茂宅能卜
與爾閉門讀洞元

盛竹軒多子圖

政成投綬萬緣除
筋力風懷只自如
鍾乳三千心似火
傲他佞佛白尙書

落盡繁英見一枝
矜紅掩素故遲遲
芳心莫悵風光晚
正是千房著子時

爲郭匏雅題王蓬心探春送別合幀

王時爲湖南永州守

人生著脚成陳迹
聚散榮枯不可期
留得雪鴻泥上爪
畫中山色卷中詩

結習難銷翰墨緣
香殘酒冷思依然
尋芳惜別情懷在
彈指流光二十年

宮亭湖畔露荷香
鷺特軒

匏雅書齋名

中竹雨涼却對畫圖

懷舊侶知君清夢過三湘